

جريدة حكاية

١٢٩٠

سالى

نومرو	رمضان	سنه	تموز	سنه	صفحه
٢١٠	١٢	١٣٠٠	٥	١٢٩٩	١٦٧٣

اشهر غزته بهر هفته صالى كونلى چيفار . سنه لى مجيدى اقمه الشمس غرو شدر بهر نسخده مى الشمس
 پاره مجيدى به اوله رق هر يوده صاتيور . درج اوله جق اعلانك بهر سطرندن ايكي غروش النور .
 سنه لى مشرى اولق استيانلر عدليه نظارت جليله مى اوراق مدير لى مراحعت ايتلدر

(ايكيوز طقوزنجى نومرولى جريده محاكمه)

(مندرج اعلامك بقيه مى)

سائر اوراق دعوى دى بعد المطالعہ تدقيقات تميريه
 اجرا اولندوقده ديار بكر هيئت اتهاميه مى مومى اليه
 شاكر افنديك حركت واقعه سندن طولاي حقنه
 تشكيلات محاكم قانون موقتك حاكمه دائر اولان
 قرق طقوزنجى ماده سنده معين معاملات اجرا اولمق
 اوزره اصول محاكمات جزايه قانون موقتك ايكيوز
 ايكنجى ماده سنده توفيقاً اوراق دعوائك محكمه تميره
 حواله سنه قرار و يرمش ايسده مومى اليه شاكر
 افندي مدعى عمومى معاونى اولسيه صنف حكامدن
 اوليوب بالفرض اولسيه پيله مادامكه مضبوطه مذكوره ده
 خصوص مشتكا بهك قانون مذكورك اوچيوز
 سكسان سكرنجى ماده سنده كوستر بلان دهو الردن
 اوله رق وظائف اداره به متعلق معامله تكدير به يى
 مستلزم احوالدين بولنديغى كوستر يلور بو حالده
 كيفيتك اساساً هيئت اتهاميه به عائد اولماسى جهته

بو بابه هيئت مزبوره طرفندن ويراش اولان قرار
 صلاحيت قانونيه خارجندن اولسيه ذكر اولنان
 مضبوطك فسخنه اكثر يتله قرار و يرلدى

(محكمه تمير جزا دائره سندن ويريلان فى ٧)
 (شعبان سنه ١٣٠٠ وفى ١ حزيران سنه)
 (٩٩ تاريخلى وايكيوز الشمس التى نومرولى)
 (اعلامك صورتيدر)

سنان بك زاده محمد بك سيواس نائب سابق احمد
 جدى افندى به ايقاي وظيفه مأموريت ايدر كن
 معامله تحقير به به جرأت ايتسندن طولاي قانون
 جزانك يوز اون ايكنجى واوتوز برنجى ماده لى
 احكامنه توفيقاً اوج ماه حبسيله اجراى تحقيقاتده
 قوللانماق وشهادت ودعوى وكالتى ايله مامك
 اوزره حقوق منيه دن قسماً اسقاطى حكمنى حاوى
 سيواس بدايت محكمه سندن اعطا اولنوب محكمه

استینافیه دن تصدیق قلنان اعلامك تمیزی محمد بك طرفندن مدت قانونیه سی طرفنده استندما و شرائط تمیزی به دن اولان بش لیراجزای نقدی دخی ایفا اولنش ایسه ده اصول محاکات جزاییه قانون موقتك اوچیز یکریمی سکرنجی ماده سی موجبیه اسباب تمیزی به بی حاوی لایحه اعتراضیه ویرلماش اولسنه مبنی استدعای مذکور فی ۱۴ رجب سنه ۹۹ تاریخنده رد اولنمی اوزرینه محمد بك باش مدعی عمومیلک دائره سنه بالمراجعه مقدمات محلیه لایحه اعتراضیه ویردیکی حالده کوندردلیدیکی ادعا ایتش ایسه ده اولسانده جریان ایدن مختار ایدن لایحه اعتراضیه ویرلیدیکی اکلشیلوب اگرچه میرمرقومك محکمه تمیزی حقوق دائره سنه حواله برقطعه لایحه اعتراضیه سی بولنش ایسه ده مذکور لایحه فی ۱۶ جزیران سنه ۹۷ تاریخلی اولسنه نظراً علیهنده صادر اولان اعلام استینافینك تاریخندن اوچ آی مقدم ویرلیدیکی و بصورتله بدایه لاحق اولان حکمه اعتراضی حاوی اولدیغی مندرجاتیه و تمیزی تدقیق استندما اولنان اعلام استینافینك فی ۱۲ ایلول سنه ۹۷ تاریخله مورخ اولسنه تأیید و تعیین انش بولنسنه بناء بونك استیناف محکمه سی قرار یندشمولی اولدیغنه و بناء علیه قبوله غیرشایان بولندیغی جهتله اشبوتیمز استدعاسنك دخی ردی حقنده فی ۱۷ جادی الاولی سنه ۱۳۰۰ و فی ۱۴ مارت سنه ۹۹ تاریخنده دائره دن اعلام اعطافلنش ایدی بوکره باش مدعی عمومیلک مأموریت بهیه سندن اعطافلنسان فی ۲۹ جادی الآخره سنه ۱۳۰۰ و فی ۲۵ نیسان سنه ۹۹ تاریخلی تبلیغنامه ده هر تقدیر محکوم مرقوم طرفندن عدلیه نظارت جللیه سنه بالتقدیم حواله بیوریلان فی ۲۸ شباط سنه ۹۸ تاریخلی عرضحالده اعاده محاکه استدعا ایداش

و تصریح اولنمیوب بالکرا استینافی لایحه لرینك قرائتیه حکم ایدلش و اصول محاکمه جه حکم قانونك اجرایی لازم کلان معاملات اساسیه مذکورنك عدم ایفای ایسه قانون مذکورك یوز الی اوچنجی ماده سی ایجابیه خصوص مذکور حقنده جریان ایدن معاملاتك کأن لم یکن حکمنده عد اولنمی و اوچیز اون دردنجی و اوچیز اون طقوزنجی ماده لر احکامخه اعلام مذکورك نقضی مستلزم بولنش اولمقله برابر مرقومك بویه برجنجه دن طولایی حقوق مدنیه دن اسقاط ایدلسی ایسه غایت اغر اولوب جریمه متناسب بولندیغی حالده محکمه استینافیه بوجهت دخی نظر دفته التمه رق حکم واقعك تصدیق جهتیه کیدلسی بالکلیه قوانین موضوعه عدلیه به مغایر برمعامله اولوب کرچه جنجه به متعلق برجزای حکم ایده جك محاکم جانبندن مذکور اوتوز برنجی ماده ده تصریح ایدیلان حقوق مدنیه دن اسقاط جزاسنك بعض مواد دخی برابر ترتیب اولنه یله جکی قانون جزانك اوتوز سکرنجی ماده سی اقتضاسندن ایسه ده بوماده حکمنك علی الاطلاق و هر جنجه ماده سنه شمولی اوله میه جغی ماده مذکوره ده محرر اولدیغی وجهله حکامی تخیر ایدن (ترتیب اولنه ییلور) عباره سندن دخی اکلشیلوب شو حالده حقوق مدنیه دن اسقاط جزاسنك اهمیتی حائز اولان افعال جزاییه حقنده تطبیق لازم کله رك خصوص مذکور ایسه حد ذاتنده ناموس دعواسندن عبارت اولوب اوله حقوق مدنیه دن اسقاط کبی تشدید جزایی استلزام ایده جك احوال دن دکل ایکن محکمه مذکورنك بودرجه برجزای عظیمی ترتیب ایتسی میرمرقومك مغدوریت حالتی موجب اوله جغی امر ظاهر و بناء علیه بروجه محرر مرقوم محمد بك حقنده كرك بدایه و كرك استینافاً جریان ایدن

معاملاتك كافه سی حکم قانونه مغایر اولدیغنه و سالف الذکر قانون موقتك اوچیز قرق یدنجی ماده سنه عدلیه نظارتی طرفندن تحریراً ویریلان امر قطعی اوزرینه محکمه تمیزی به بولنان باش مدعی عمومی قانونه مخالف معاملات تحقیقیه و قوعه کیش و یاخود اعلامات ویرلش اولدیغی محکمه تمیزی به جزا دائره سنه خبر ویرر ایسه اومقوله معاملات و اعلامات نقض اولنه جغی محرر بولندیغنه و کرچه ماده مجبوت عنهای و لی و تعقیب ایدن اوچیز قرق سکرنجی ماده ده محکمه تمیزی به باش مدعی عمومیسنك بومقوله احوالده انقضای مدته باقیه رق رأساً استعمال ایده جکی نقض حکم حقوقدن طرفینك استفاده ایده میه جکری محرر بولنسنه نظراً عدلیه نظارتندن ویریلان امر قطعی اوزرینه باش مدعی عمومیلکنك استعمال ایده جکی اوچیز قرق یدنجی ماده حکمندن دخی طرفینك استفاده ایدوب ایتیه جکری ماده سی مشاهیر جزائیون یننده مختلف فیه برمسئله اولوب بونلردن بعضیلری صورت استفاده جهت نقضیه نك محکوم له و علیهنده بولنق شرطیه مشروط و مقید اولوب اگرچه مخالف قانون اولان بومثالو معاملات و اعلاماتك نقضی مظنون و یا محکوم علیهك لهنده اولور ایسه طبیعی مستفید اولسی و علیهنده ایسه عدم استفاده سی لازم کله جکی جهتلرینه ذاهب اوله رق بورای افکار تغلب ایدوب اجتهاد صحیح دخی بومرکرده بولنش اولسنه و باخصوص سالف الذکر اوچیز قرق یدنجی ماده ده نقض حکمنك نفعاً للقانون اوله جغه دائر ذاتاً صراحت بولنمسنه مبنی اعلام مذکورك اوچیز اون دردنجی و اوچیز اون طقوزنجی ماده لر احکامخه عادیاً نقضی و اوچیز اوتوز بشنجی ماده موجبیه دعوای مجبوت عنهایك

اودر جده بولنان دیگر مناسب بر محکمه به نقلی طلب
اولنشد
تفصیلات مشروحه دن مستبان اولدیغه کور: ولایت
مشار الیه محکمه استینافیه سندن ویریلان اعلام
استینافی مذکورک تمیزی حقیقه مرقوم محمد بکک
مستدعیات مقدمه سی مدت قانونیه سی ظرفنده
ویرلماش اولسندناشی رد ایدلسی اوزرینه محکمه
مذکوره جمه بواشده مخالف قانون معاملات وقوع
بولش اولسنه مبنی قانون موقت مذکورک اوچیوز
قرق یدنجی ماده سی منطوقجه عدلیه نظارت
جلیله سنک اشعاری اوزرینه مذکور اعلام استینافیک
عادیاً نقضی و دعوانک آخر محکمه به نقلی باش مدعی
عمومی طرفندن طلب اولمش اولسیله و مذکور
اوچیوز قرق یدنجی ماده قانونیه ده عدلیه نظارت
جلیله سی جانبندن تحریراً ویریلان امر قطعی
اوزرینه محکمه تمیزی باش مدعی عمومی قانونه
مخالف معاملات تحقیقه وقوعه کلمش واعلامات
ویرلش اولدیغی محکمه تمیزی جزا دایره سنه
خبر ویرایسه اومقوله معاملات واعلامات نقض
اولنه جغی محرر بولمسیله بوکا مستنداً باش مدعی
عمومیلک شوطلی اوزرینه اعلام مذکور حقنده
تحقیقات تمیزی به اجرا سنه واستیناف محکمه سنه
محاکمه نك مستأنف و مدعی عمومی حضور یله علناً
جریان ایتش اولدیغی واستیناف اولنان ماده دخی
قانوناً حقوق عمومی به متعلق بولدیغی جهته تشکیل
طرفین قاعده قانونیه سی اجرا ایدلش اولسندن
و محکمه استینافیه جه اعلام ابتدائیک فسخیه
اساس دعوانک رؤیتنه کریشلماش اولسیله شهود
عجب و استماعی مجبوریت قانونیه تحننده بولنامسندن
ناشی بوبایده اولان اعتراضات نقضی مستلزم اسباب
قانونیه دن اولدیغنه اکثریتله قرار ویرلدکن صکره

اساس معصنحه دائر اولان اعتراضات سائره تدقیق
اولندقدمه متن اعلام استینافیه اسباب موجب و عبارته
قانونیه درج اولنماش اولسی حقنده اولان اعتراضات
یوزاللی اوچنجی و یوزیش طعوزنجی مواد قانونیه به
مستند اولوب بوسورت یوز طقسان اوچنجی ماده
حکمنجه نقضی مستلزم اولدیغی کبی دعوی
مذکورنک نوعنه نظراً قانون جزاک یوزاون ایکنجی
ماده سی منطوقجه لاحق اولان حکمه حقوق مدینه دن
اسقاط حقنده اولان واهیتی درکار بولنان اوتوز
برنجی ماده حکمک دخی انضمامی ایجاب ایدن اسباب
واحوال موجود اولدیغی و مجازات قانونیه نك تحدید
و تطبیقندن مقصد اصلی اولان حقوق عمومیتک
محافظه سی امرند، عدالت مرتبه سی تجاوز ایتمک
قواعد اساسیه قانونیه دن بولدیغی حالده بایقه
جزاک بودرجه ایلروسنه یکدلش اولسی محکمه
استینافیه جه نظر دفته التیهرق اعلام ابتدائیک
تصدیق ایدلسی قاعده عدل و اعتداله منافی کورلد
یکندن بوبایده درمیان اولنان اعتراض دخی اساساً
بجا و موجب نقض اولدیغنه و سالف الذکر قانون
موقت اوچیوز قرق یدنجی ماده سنه نقض حکمی
نفعاً لاقانون اوله جغه دائر صراحت اولدیغنه مبنی
بر موجب طلب اعلام استینافی مذکورک عادیاً نقضنه
و فقط دعوانک آخر محکمه به نقلی موجب بر حال
کورله مدیکندن ینه محکمه استینافیه مذکوره ده
یکیدن رؤیتی لزومه اکثریتله قرار ویرلدی

(فی ۱۳ رجب سنه ۹۹ و فی ۱۹ مایس)
(سنه ۹۸ تاریخیه محکمه استیناف تجارت)
(قسمندن ویریلان اعلامک صورتیتر)
غلطه ده طو پخسانه ده مقیم مار یسو نام سفینه نك

سوار یسی اندریا قپوان ایله یلنده متکون دعوا به
دائر تجارت بحر به محکمه سنک فی ۱۱ مایس سنه ۹۷
تاریخی اعلامی علیه نه اعتراضی حاوی ایتاروز
ساکنلرندن و تجارتدن موسیو یورکی نیقوله نك وکیلی
سرو یچین امضاسیله ویریلان عرضحال فی ۲۶
رجب سنه ۹۸ تاریخیه محکمه استیناف تجارت
قسمنه حواله فلنش و غلطه ده فرمنه جیلر جاده سنه
۳۶ نومروده مقیم خویار طوز لایجیسی یوانیس
مارقویوس باسند مصدق کفیل کوسرلش اولغله
مستأنف یوردامیان عوادیس افندی بی و مستأنف
علیه دخی موسیو یواسیا کی انکیوری بی صورت
مطلقه ده و تحلیف و تحلفه و دعوانک صوک درجه سنه
قدر محاکمه به مأذون اولق اوزره حضور محکمه ده
توکیل ایلدکارندن اوراق لازمه وکیلان موسی الیهما
مواجهه لرند قرائت اولندی

استیناف عرضحالنده اعلام مزبور قبول اولنمه
جغندن بحثله ایشک استینافاً رؤیتی استمدافلنشد

اعلام مستأنف به ده طرفین یلنده متکون منازعه به
دائر تنظیم قلنان اعلام غیابی محکمه تمیزی جانبندن
نقض اولدیغندن بحثله محاکمه لیک اجرایی یورکی
نیقوله وکیلی خرسو یورکی طرفندن استدفا قلمقندن
ناشی مدعی وکیلی و یچین افندی موکلنک ادعا ایلدیکی
اوچیوز اوتوز بش ایرایش درت غروشی حاوی
اولان سند امضاسی مدعی علیه نك انکار ایتسی اوزرینه
موکلنک اثبات مدعا ایلسنه قرار ویرلش ایکن مدعی
علیه اندریانک محکومیتنه دائر مقدمه ویریلان غیاب
اعلامی فسخ اولمش و موکل محکمه تمیزی بالراجعه
اعلام مذکور نقض ایتدیرمش و مذکور اوچیوز
اوتوز بش ایرایش درت غروشلق سنک امضاسی
اشبو مبلغه مقابل مرهون بولنان سفینه به دائر محلی

حکومتی جانبندن مصدق اولان دیگر رهن سندیه
ثبت بولنش اولدیغی بالبان اولوجهله مذکور
دین سندیه و جنبه مدعی علیه محکوم طو تلمشی
طلب ایدرک ابراز ایتدیکی تمیزی اعلامی بعد القرائه
مدعی علیه وکیلی دین سندیه ساخته اولدیغی مقدمه
تعیین قلنسان قومیسسیون معرفیه تحقیق ایلدیکی
ورهن سندیه حین تنظیمده موکل محکمه بولدیغندن
اشبو سندیه دخی طایفه جغنی بیان و مدعی وکیلی رهن
سندیه محلی حکومتک تصدیق تحننده بولدیغی کبی
اشبو سندیه مهری مقدمه محکمه به ابراز ایلدیلان
التیوز بوقدر ایرالق دیگر بر قطعه سنده بولنان مهرک
عینی اولوب مزبور التیوز لیرالق سنک دخی تمیزی
اعلامی و جنبه محکمه به تطبیق مهرینه اساس
اتخاذ اولغی لازم کلدیکی و سفینه نك موکلنه ترهین
ایدلدیکنه دائر یدنده سفینه نك سندیه بحر یسی اولوب
مطلوب باتک صحتی مبین شهادتنامه دخی بولدیغی
واشور اوراق ثبوت مدعا سنه کافی اولوب بشقه دلائل
و اثباتی اولدیغی بالا فاده ابراز ایتدیکی سندیه بحر
و شهادتنامه نظر مطالعه دن یکورلدکن صکره مدعی
علیه وکیل اوراق مذکور اشیانه کافی اولدیغندن
رئیتی طلب ایلسیله لدی الذکر اوراق موجوده دن
مستبان اولدیغی وجهه یانی بعد الاعتراض قطعاً
محکوم اولوب مرقومک اشبو عواده معترض بولنان
برادری اندریا دخی ادعا قلنان ایقه کندوسنک دینی
اولدیغی و مذکور فی ۱۳ تموز سنه ۷۸ تاریخیه
اوچیوز کسور لیرالق سندیه قسطنطنی باشاقونک
کندوسنه وکاله امضا ایلدیکی خصمی ادعا الملش
ایسه ده کندوسی مرقوم قسطنطنی به اولیه بر امر
ووکالت ویرمدیکی و کندوسی یازو بیلوب دیگر
رهن سندیه کی مهر دخی کندوسنک اولدیغی افاده
ایله سندات مذکور بی کلیاً انکار ایلدیکی والتیوز

لیرالق سندده کی مهر رهن سندنده وضع اولنان مهرک
عین اولدیغی واندیر یانک ذاتاً یازوسی اولدیغی جهتله
دین سندنده کی امضانک دخی مرقوم قسطنطی طرفندن
بالو کاله وضع و تحریر قلندیغی واندیر یانک سنددی
امضا ایتمکله قسطنطی به ماذونیت و یردیکنی و سائر
مدعاسنی اثبات ایدیه جکی مدعی خرسو طرفندن بیان
واصرار و تمیز اعلامنده دخی مذکور سفینه نک
رهیتنی حاوی اولان سند مالک بر موجب ادعا دین
سندینک صحت مندرجاتنی مؤید اولوب اولدیغی
تدقیق و مزبور التیوز لیرالق سندده موضوع اولدیغی
ادعا اولنان مهرک دخی رهن سندنده موضوع مهر
ایله تطبیق و شوقیقات نتیجه سندده مدعی یورکیدن
اثبات طلب اولمسی لزومی کوسترلش اولمسنه نظراً
مذکور فی ۱۳ تموز سنه ۷۸ وفی ۱۸ تشرین
اول سنه ۸۷۸ تاریخلی سندلر ایله تطبیق مهره
اساس اتخاذا اولنق استیلان التیوز طقوز لیرالق
دیگر سند وفی ۱۶ کانون ثانی سنه ۸۸۰ تاریخلی
و شهادتنامه و سفینه نک بدنده موجود سند بحر سی
اولوب اوراق مذکور نک ثبوت ادعاسنه کافی
ایدوکنی مدعی بیان و ادعا ایتمکده بولندیغنه وفی
۱۳ تموز سنه ۷۸ تاریخلی سند زیرنده کی امضا
مدعی علیهک امضاسنی اولیوب اکا و کاله قسطنطی
پاشاقو طرفندن امضا اولنق اولدیغی حالده مرقوم
پاشاقونک و کالتی ماده سی مدعی طرفندن انکار ایله
مزبور رهن سندینک ایناروز قائمه قاملخنک مهر
و تصدیق تحتده ورسمی صورتده بولندیغی ادعاسنه
استناد ایدلدیکنه و حالبوکه مارالبیان رهن سنددی
زیرینه محلی حکومتی طرفندن یازیلان شرحده
مهرک تصدیقنه دائر برصراحت اولیوب یالکز
امضالک تصدیق اولدیغی بحرر ایدوکی کورلدیکنه
واندیر یانک ذاتاً یازوسی اولدیغی مدعی خرسو

طرفندن دخی فی ۲۴ ایلول سنه ۹۶ تاریخلی
وقوعبولان محاکمه اثناستنده بیان اولنق ایدوکی
ضبط ورقه لرندن مستبان اولدیغندن مدعینک مزبور
رهن سندینک رسمی اولدیغی حقنده کی ادعاسنی
کندوسنک اعترافی تحتده بولنان احوال
تکذیب ایدلدیکنه و برده سند رسمی دیلان ورقه ده
اوچیز اوئوز برلیرا یتش بر غروش بحرر اولیوب
اوچیز قرق یدی لیرانک تأمین ایچون کویا رهن
اولدیغی کوسترلش و مدت دینه دائر اولان سند نک
تاریخی دخی قلله تصحیح ایدلدیکی کورلش اولدیغندن
محکمه تمیزک قرارینه توفیقاً مارالذکر ایکی قطعه
سند تطبیق و تدقیق ایدلکده و بونلرک مضامینی
یکدیگرینه مطابق اولدیغی اکلاشلدیغنه بناء مدعینک
سند مذکورک رسمی اولدیغی حقنده کی ادعاسنک
ردینه و شهادتنامه اولق اوزره ابراز ایدیلان
ورقه به کلجه اشبو ورقه نک محتویاتی رسمی دیلان
مذکور رهن سندینک مفهومی تکرارندن عبارت
اولدیغنه و مذکور شهادتنامه بی امضا ایدن کسانک
شهادتلی بونلارو خصوصاً ده قانوناً جائز اوله میوب
جائز اولدیغی فرض اولمسه بیه شهادتنامه دستور
افادندن بشقه برشی اوله میه جغی طبیعی و بودخی
دینک تأمین حقنده رهن سندینک حکومت حضورنده
عقد ایدلدیکنی و یاخود طرفین عاقدینک تقریرلرینی
استماع ایتش اولدقیرینی اشراب ایتیوب یالکز
یلدیگری خصوصاً نک بیانندن عبارت اولدیغی بدیی
ایدوکی جهتله مارالذکر شهادتنامه دیلان ورقه نک
دخی ثبوت ادعایه مدار اوله میه جغنه مینی ردینه
وسالف الذکر التیوز لیرالق سندده مهر موضوع
اولیوب یالکز امضا بحرر اولدیغی عندالعابه تحق
ایدلکیدن و مدعی علیه اندیر یانک ذاتاً یازوسی
اولدیغی مدعی خرسو دخی معترف بولندیغندن

شو حالده اشبو التیوز لیرالق سندک دخی تطبیق
مهری اساس اتخاذا اولنه میه جغی جهتله کذلک ردینه
و بوجه بحرر سفینه نک سند بحرر یسنک مدعینک
بدنده بونمسی مذکور سفینه نک مرهونیت و یا حق
تصرفنه کافی صورتده دلالت ایدیه جکندن بودخی
یالکز اثبات مدعایه کافی کور بیه مدیکنه و کراراً
و مراراً محکمه طرفندن وقوعبولان اخطارات
اوزرینه اوراق مهره مذکورده دن بشقه بوباده
سائر دلائل و اثباتی اولدیغی دخی و کیلی طرفندن
بیان و تکرار اولندیغنه بناء فی ۲ مایس سنه ۹۵
تاریخی اعلام غیابینک معترض مقامنده بولنان
مدعی علیه اندیرا حقنده اولان جهتنک فسخیله
مدعینک ادعاسنک ردینه قرار و یرلیدی بحرر

مستأنفک لایحه سندده تمیز حقوق محکمه سنک
اعلامنده التیوز شو قدر لیرالق سند امضاسنک
تطبیق ایچون اساس قلمسی لزومی کوسترلش ایکن
درجه اولی محکمه سنجه بوکارایت اولدیغی و مذکور
سندده کی خصمنک امضاسنی مثبت اولوب بالفرض
اعلام مستأنف بیده دینلیدی کی خصمنک یازو
یازمی بیلدیکنی کندوسی اقرار ایتش اولمسه بیه
اشبو اقرارینک حکمی اوله میه جغی و عادی دین
سندینی دیگر برقطعه رسمی سند تأیید ایدلیدی حالده
بورسمی سندک امضاسنی عذر مذکور مینی و مهرینی
دخی کویا محلی حکومتک تصدیق یالکز امضایه
منحصراً ایدوکی بهانه سیله رد ایدرک حالبوکه عذر
مذکور اسباب مشروحه به نظراً واهی اولدیغی کی
مذکور رسمی تصدیق کأن لم یکن حکمنده طوتلیسی
دخی غیر جائز بولندیغی و حتی درجه اولی محکمه سی
مهری نه سبیه مینی حکمسز طوتدیغنی تعریفه بیه
حاجت کور مامسی و حکومت محلیه ایسه نه امضایی

ونده مهری تصدیق ایتیوب انجق سنددی تصدیق
ایش ایکن بویه رسمی برسنک بلا دلیل جرحی
طرفنه کیدلسی و مارالذکر عادی دین سند ایله رهن
سندینی تأیید ایدن شهادتنامه ده معلومات شخصیه دن
بحث اولندیغی حالده بونی امضالیان کسانک کویا
اجتهاد ایدکلری وقوعاته معلومات ذاتیه لری
(بقیه سی صکره)

اعلامات

طنغر زاده عزتلو پتری افندیکنک جانباز عرب علی اغا
ذمتنده اولان لاجغی ایچون مرهون و فروختی در سعادت
بدایت محکمه سی ایکنجی حقوق دائره سندن فی ۷
ایلول سنه ۹۸ تاریخلی اعلام لریله محکوم بولنان
طوبخانه ده قره باش محله سندده خندق باشی نام محله ده
واقع بر باب خانه سی بوندن ایکی بچق سنه اول
مزایده و یریلرک طقوز یوز بوقدر لیرا بدل ایله
مشترسی عهده سندده تقرر ایتش ایدی مدیون مرقوم
علی اغانک اولوقت و یردیکی عرض حالده کندوسی
برسنه امهال اولتور ایسه تسویه دین ایدوب
خانه سنک الدن چیقش اولیه جغنی بیان و استدعا ایتش
وارادن ایکی سنه مرور ایتش اولدیغی حالده هنوز ایفای
دین ایتدیکندن و پتری افندی دخی مطلوبنک استحضالی
طلبنده بولندیغندن سالف الذکر بدایت و استیفاف
محکمه لری اعلاماته توفیقاً و تاریخ اعلانندن اعتباراً
اون بش کون صکره مذکور خانه سنک مزایده
و یریله جکی معلوم اولق ایچون در سعادت بدایت
محکمه سی اجرا مأموریتی طرفندن اشبو اعلاننامه
و یرلدی

فی ۳۰ حزیران سنه ۹۹

صراف بغداد اغانك قرتال قضاسنه مضاف طوزله
قریه سی اهالیسندن و تبعه دولت علیه دن حاجی
اندون اوغلی حاجی اندون ذمتنده در سعادت ایکنجی
محکمه تجارت اعلامی موجبجه الاجفی اولان مبالغ
معلومه نك تأمین استیفاسی ضممنده مدیون مر قومك
عهده تصرفنده اولوب بوندن اول تحت حجزه النان
طوزله قریه سنده ناقسیارکی کایساسی زقاقنده کائن
بر باب خانه سیله قریه مذکورده یردیقو نام محله
بری درت و دیگر ایکی دوئم ایکی قطعه باغ وینه
قریه مذکورده قادیرم نام محله ایکی دوئم ترلا
ودکرمن جوارنده سکر دوئم ترلانک تاریخ اعلاندن
اعتباراً اون بش کون صکره بالمزایده فروخته تشبث
اولنه جفی قرتال بدایت محکمه سی اجرا دائره سندن
اعلان اولنور

فی ۵ رمضان سنه ۱۳۰۰ وفی ۲۸ جزیران سنه ۹۹

شاهین قادی نك مار یچه قادی نه $\frac{۲}{۱۷}$ نومرولی اعلام
موجبجه دینی اولان مبالغ معلومه مقابله سنده
مرهون اولوب فروختی محکوم اولان بر عدد
مدالیونك تموزك التنجی چهارشنبه کونی چارسوی
کبرده قیومجیلو ایچنده بالمزایده فروخت اولنه جفی
بك بدایت محکمه سی اجرا دائره سندن اعلان اولنور
فی ۲۷ جزیران سنه ۹۹

غلطه ده قره کویده کائن فرونك متصرفی متوفی
بورجکی حاجی محمد شاگر افندی ورثه سنك مذکور
فرون اتصالنده واقع قصاب دكانك متصرفی حاجی

مطوس علیه نه اقامه ایش اولدیغی دعوانك رؤیت
ضممنده مدعی علیه مر قومك جلبنه مباشرت اولمش
ایسنده اقامه تکاهی اولدیغی و نروده بولدیغی دخی
خبر الله مدیغی جهنله اصول محاکمه حقوقیه قانون
موقتك یکر می اتنجی ماده سنك فقره اخیر سی
موجبجه اجرای معامله لازم کیش و امر محاکمه نك
طقسان طقوز سنه سی جز برانك اوتوزنجی پنجشنبه
کونی ساعت النی راده لرنده اجرای مصمم و مقرر
اولغله مر قومك یوم و وقت مذکورده بك اوغلی
بدایت محکمه سی برنجی حقوق دائره سنه کلسی و یاخود
مصدق سندله بروکیل کوندر سی لزومی اعلان
واخطار اولنور

فی ۲۳ شعبان سنه ۱۳۰۰ وفی ۱۶ جزیران سنه ۹۹

فخری افندی نك حلیم افندی به $\frac{۹۱}{۳۷}$ نومرولی اعلام
موجبجه دینی اولان مبالغ معلومه نك تسویه سی
ضممنده مدیون مومی الیهك بشکطاشنده سنان پاشای
عتیق محله سنده کائن اسکلک زقاقنده ۳۹ و ۴۳
نومرولی ایکی باب قایقخانه ایله ۴۱ نومرولی
بر باب ساحلخانه ده متصرف اولدیغی ربع حصه
شایعه سی بالمزایده النی یک یوز غروشه دان
عهده سنده تقرر ایلدیکندن اشبو اعلان تاریخندن
اعتباراً اوتوز بر کوندمبل مذکور اوزرینه یوزده بش
ضمیمه طالب اولنورك بك بدایت محکمه سی اجرا
مأموریتی دائره سنه مراجعت ایملری اعلان اولنور
فی ۱۳ جزیران سنه ۹۹

مطبعة عامر ده طبع اولندی